

Ironia di bida o hipocrecia:

MEP TA CONTRA HOSPITAL PA SAN NICOLAS



STATEN VAN ARUBA

Na Consejo di Ministro di Aruba
L.G. Smith Blvd. 76
Oranjestad
ARUBA

Aruba, 26 maart 1996

Teniendo cuenta cu e argumentonan treci dilanti door di e siguiente gremionan: Camara di Comercio, Aruba Trade and Industry Ass., Sindicatonan den Union, Huisartsen Vereniging y Medische Specilisten Vereniging den un reunion di Comision Central dia 26 di maart 1996 nos ta urgí gobierno pa para e proyecto di "San Nicolas Health Park".

Tur e argumentonan realistico y objectivo treci dilanti den dicho reunion ta hustifica pa para tur preparacion y ejecucion di e proyecto aki, te ora Gobierno caba cu un estudio profundo cu participacion di tur esnan envolvi ariba Salud Publico den su totalidad y en particular e hospital na San Nicolas.

Fraccion di Movimiento Electoral di Pueblo,

Nelson O. Odiuber

Hyacintho R. Croes,

Fredie J. Refunjol

Ing Edison Briesen,

Mrs. Candelario A.S.D. Wever

Felix B. Flanigen,

Alicio V. Henriquez,

Alicia A. Tromp-Yarzagaray,

Tai Foo R. Lee

c.c. gremionan
Parlamento di Aruba

ORANJESTAD(AAN): Oposicion na Aruba cu tin e tarea importante pa hunto cu otro parlamentarionan den Parlamento, percura pa gobierno haci su trabao bon, no sa mas kico pa haci pa bruha tera.

San Nicolas mester di un Hospital, sea cu esaki ta grandi o chiquito, sea cu AVP o OLA o cualkier partido logra esaki, pa pueblo di San Nicolas tur e puntonan aki no ta importante, pasobra nan ta den un necesidad pa cu un Hospital.

Na Aruba cierto politiconan a lubida kico ta e palabra "bienestar nacional", pasobra nan ta mas interesa den saca probecho personal di cada proyecto y haci propaganda politico cu esaki, na lugar di cumpli cu nan tarea, pa cual pueblo ta paga nan salario.

Partido MEP cu mester hiba un oposicion sano, a perde strea di Noord pa basta tempo caba y si no ta na Aruba o den Caribe nan ta bruha tera, nan ta haci esaki te na Hulanda.

Ta parse cu nan no ta interesa den bienestar nacional pasobra nan unico meta ta pa yega bek na mando y no ta importante con nan yega, basta nan por yega bek riba

stulnan dushi den gobierno.

MEP den su totalidad ta contra cu San Nicolas ta haya su propio Hospital y tambe un Hospital Psiquiatrico y esaki nan a demostra door di manda un carta pa Consejo di Ministro den cual nan ta pidi pa para tur preparacion y ehecucion di San Nicolas Health Park.

Ta kico MEP tin contra pueblo di San Nicolas y Pariba di Brug, cu MEP ta asina contra cu gobierno ta laga traha un Hospital Pariba di Brug?

Riba lista di MEP tin varios persona di San Nicolas y ta cu ki cara nan lo enfrenta nan hendenan awe, cu mester bin tende cu MEP ta contra cu San Nicolas ta haya su propio Hospital?

Mas hipocrita e carta aki ta bira ora cu pueblo bin realiza cu den programa di MEP "Un desaroyo Real" tambe tabata tin un Hospital planea pa San Nicolas.

MEP tin tres Parlamentario cu ta di Pariba di Brug: Booshi Wever, Fredie Refunjol y Edison Briesen y ta na defensa di pueblo di San Nicolas nan ta sali cu nan ta asina contra un Hospital pa San Nicolas y vecindario?

pital pa Pariba di Brug, pero logicamente nan mester sconde tras di lomba di otro, pa asina no muestra nan envidia desastroso contra cualkier proyecto cu gobierno actual por realiza Pariba di Brug.

Ta di spera cu Ministro Beke no lo baha cabez pa tipo di intimidacion asina y cu Ministro Beke para firme manera "The Iron Lady" y construi un Hospital pa San Nicolas.